

PTOLEMAEI

PLANISPHAERIVM.

IORDANI PLANISPHAERIVM.

FEDERICI COMMANDINI

VRBINATIS IN PTOLEMAEI

PLANISPHAERIVM

COMMENTARIVS.

In quo uniuerſa Scenographice ratio quam-
breuiſſime traditur, ac demonſtra-
tionibus confirmatur.



VENETIIS, M. D. LVIII.

RAINVTIO FARNESIO,
CARDINALI AMPLISSIMO,
ET OPTIMO.



V M ex non nullis familiaribus meis, AMPLISSIME CARDINALIS, qui mathematicis in disciplinis magna sese cum laude exercuerunt, accepissem, Planisphæriū Ptolemæi nulla ratione, aut uix, & summo labore intelligi posse: idque accidere, non tam ob rerum, quàm ob uerborum obscuritatem: (liber enim græcus desideratur, & is, quem habemus, ex Arabica lingua latine ita redditus est, ut maximum negocium sit, ueram scriptoris mentem elicere) diu in hac fui sententia, ut in eius lectioe bonas horas mihi non esse collocandas existimarem. sed cum Balthasar Turrius Metinensis, uir non solum in philosophia, & medicina, uerum etiam in mathematicis præstantissimus, quo cum mihi summa necessitudo intercedit, me superiori anno magnopere rogasset, ut libellum

A 2 bellum

bellum perlegerem, daremque operam, ut, si fieri posset, intelligerem : amico roganti de-
esse nefas esse arbitratus sum. quamobrem
accuratissime totum legi, &, fortasse falli
possum, sed eum mihi plane uideor intelle-
xisse. pertinet autem ad eam optices partem,
quam ueteres scenographicen appellantur.
nam optice de mathematicorum sententia
in tres præcipuas partes dispertitur, hoc est
opticen, quæ generis nomen obtinuit; ca-
toptricen, scenographicen. Hæc postrema
maximo usui est architectis, cum ædificio-
rum imaginēs, aut aliud quidpiam descri-
bere uolunt. quoniam enim quales ipsæ res
sunt, sub aspectum nostrum cadere non pos-
sunt; illud solum spectant, qua ratione non
subiecta, sed quæ eiusmodi appareant, mem-
bra persequantur. Propositum autem est
architecto, ut ad usum concinnum, & ac-
commodatum opus absoluat, &, quantum
fieri potest, omnes machinas adhibeat, qui-
bus in uidendo minime fallamur. Non igitur
ueram æqualitatem, & concinnitatem
sibi imitandam proponit; sed in eam intue-
tur, quæ aspectum (ut ita dicam) concin-
ne,

ne, & apposite feriat. ita fit, ut, cum circulos repræsentare uelit, interdum non circulos, sed ellipses describat, & quadrata altera parte longiora efficiat. qua autem id ratione fieret, nihil ab antiquis scriptum habemus, quod sciam, præter pauca hæc, quæ de circulis Ptolemæus complexus est: quam & is in eiusmodi re tractanda necessarias demonstrationes, quibus mathematici uti solent, multis in locis uel omisit, uel neglexit, utpote quæ studiosissimo cuique in promptu essent. Nostris autem temporibus apud non ignobiles pictores, & architectos relictus duntaxat est usus quidam in opere faciundo, qui mihi ad assequendam huius libelli sententiam maximo fuit adiumento. Verum ego non satis habui, mihi ipsi tantopere laborasse, ut obscurissima Ptolemæi sensa perceperim: nec uiri boni esse iudicavi, ad utilitatem suam omnia referre. quamobrem, ne materiæ difficultas studiosos ab hac præclarissima facultate deterreret, commentariolum plane, breuiterque mihi conscribendum putavi. quem duabus de causis sub tui amplissimi nominis tutela in lucem prodire

prodire uolui. Primum, quòd, præter alias
scientias, in quibus mirabiliter excellis, ma-
thematicis quoque disciplinis magnopere
delectaris: & non contentus duabus primis
partibus optices, scenographicen ipsam non
in postremis habendâ censes. atque eo nomi-
ne Iacobum Barotium Bononiensem, quem
magnificentissimarum ædium tuarum ædi-
ficationi præfecisti, multo cariorem habes.
is enim cum architectus excellens, ac peri-
tissimus sit, scenographicen ita callet, ut in
ea scientiæ parte huius ætatis nemini facile
concedat. Deinde, cum ob tuam erga me li-
beralitatẽ omnia me tibi debere sentiam;
hoc grati animi mei monumentum, quale-
cunque est, amplitudini tuæ consecrandum
esse statui: quod tu pro ea, qua soles, huma-
nitate accipere non grauaberis. cum enim è
tuo nomine auctoritatem sibi comparabit;
tum te ad eius obseruantia memoriam reuo-
cabit, qua Federicus Commandinus te sem-
per prosecutus est, & in omni semper uita
prosequetur.

Federicus Commandinus.

CLAVDII PTOLEMAEI
SPHAERAE A PLANETIS
PROIECTIO IN PLANVM.

a




VM sit possibile, ò Syre, & plurimum necessarium, ut in plano repræsentiètur circuli in sphæram corpoream incidentes, tanquam esset plana: consultum uisum est in ueritate scientiæ, ut qui hæc scire uoluerit, describat demonstrantem rationem, qua assignari conueniat circulum decliuem: & circulos æquidistantes circulo æquinoctiali: pariter & circulos notos, per circulum meridianum: & quicquid intenditur adaptatum ei, quod apparet in sphæra corporea. Cogit ergo huiusmodi ratio loco meridiani circuli rectis uti lineis: decliuem uero inter circulos æquidistantes recto pari utrinque distantia, quem medium secet in hunc modum. Describamus itaque circulum æquinoctialem notis a b g d circa centrum, e, cuius diametri orthogonaliter se secant a g, & b d. Intelligamus ergo alteram diametrum meridianum circulum: punctum

merid.

B

uero,

uero, e, polum septentrionalem: nec enim alterum conuenit apponi in planitie, spectantem ad hunc, quemadmodum in sequentibus constabit. Quoniam septentrionalis in parte nostra perpetuo appareat: is potius accommodus est ad planitiem, cuius est nostra assignatio. Oportet ergo circulorum æquidistantium recto, septentrionalem intrinsecus describi: australem uero extrinsecus: quod ut recte fiat, producamus lineam a g utranque in partem; sicq; de circulo a b d g ex utraque parte g duos arcus æquales resecamus; desuper g h; infra g n: continuamusq; rectis lineis d cum utrique notis; ita quidem, ut d h usque in lineam a g perueniat, & locum k assignabis: d n uero in lineam a g; quam quo loco tetigerit e notabitur. Quo facto, fixo in e centro ad mensuram



suram e k fiet circulus super diametro k m :
 sicq; non moto centro, consequenter & alter
 fiet ad mensuram e c lineæ super diametro c
 l. Diuisa deinde c m per medium, circa diui-
 sionis punctum r describatur circulus ad me-
 suram medietatis. Dico ergo illos duos cir-
 culos æquidistantes æquinoctiali pari utrin-
 que distantia: tertium uero super r centro
 Decliuem, quem c m linea per æqualia secat,
 quousque utrumque illorum attingat; alte-
 rum ad notam m; alterum ad notam c: æqui-
 noctialem per medium secare, quem ad op-
 posita duo puncta b, & d intercipit. Quod ur-
 ratione constet, continuabis linea recta d m
 ad punctum z æquinoctialem circulum tran-
 siens. Quoniam ergo arcus a z æqualis est ar-
 cui gh, qui æqualis datus est arcui gn: arcu
 z d n totius circuli dimidium esse necesse est;
 unde angulum m d c rectum esse consequens
 est. Quoniam ergo circulus super lineam e
 m descriptus triangulum rectangulum m d c
 circumscribens transit per punctum d: & per
 punctum b transire necesse habet. Conse-
 quenter ergo circulum æquinoctialem secat
 per æqualia. Hinc itaque constat inter circu-

los æquidistantes recto, cum duplicamus ex
 utraque parte puncti g arcus æquales, quan-
 titatem eorum metiri arcum totius declina-
 tionis: quorum fines ubi continuamus rectis
 lineis cum puncto d, ponimus quas rescant
 lineas rectas de linea e k, distantias circulo-
 rum, quos circa centrum e descripsimus, ar-
 tificio dati exempli: ut sit intrinsecus quidem
 tropicus cancri: extrinsecus uero tropicus
 capricorni: attingentis hos zodiaci æquino-
 ctialem per æqualia secantis, ut descriptum
 est. Metitur itaque descriptio nostra utrun-
 que arcum n g, & g h partibus XXIII punctis
 fere LI, ex eis quæ CCLX, totum a b g d cir-
 culum metiuntur; quæ par est distantia utri-
 usque tropici à circulo æquinoctiali. Est er-
 go hinc inde æquidistantium circulorum, l c
 quidem tropicus æstiuus: k m tropicus hy-
 bernus: ex quo constans est circulum m b c
 d esse medium; quem Arabes uocant signo-
 rum cingulum, contingentem singulos tropi-
 cos; apud c quidem solstitium æstiuum: apud
 m uero hybernium; æquinoctialem per æqua-
 lia secantem; ac si principio à puncto b sum-
 pto per m transiens ad d perducatur: pro-
 pter


pter quod declinantis circuli partes non conuenit, ut sint æqualium arcuum: sed quem, admodum in sequenti exemplo adaptabitur. Id autem dico, ut sumamus principia signorum ex punctis, ubi secant circulos æquidistantes æquinoctiali, designatos ratione, quæ docuimus, ad distantiam uniuscuiusque signi à circulo recto, ut est in sphaera corporea circuli signorum. Hac itaque ratione, erit omnis recta linea, quæ per polum transierit loco meridiani circuli, deducta per zodiacum in partes denotantes eas, quæ per diametrum opponuntur in sphaera corporea.

In hunc locum Maslem commentans ait, ut descriptis æquidistantibus recto hinc inde circulis, deducatur zodiacus: & ubi singulos interceperit, signorum initia statuatur. Quo artificio & singulorum graduum initia constitui possunt.

- c Designabitur deinde omnis horizon, quæ admodum circulum decliuem designauimus, qui non solum æquinoctialem per æqualia secet, sed & zodiacum potentia per medium secet. Id autem dico; quoniam designari habet per partes potentia respicientes eas, quæ per diametrum opponuntur in sphaera corporea.
- d Describatur enim circulus æquinoctia-

PLANISPHERIVM

lis, ut antè, notis a b g d circa centrum e: de-
clius uero circulus notis z h b d medium æ-
quinoctialem secans ad puncta, b, & d. de-
ducemus deinde per polum e, loco circuli
meridiani lineam rectam utrinque: atque si
placet per z a e h g. Dico puncta z h respi-
cientia ea
quæ per dia-
metrum op-
ponuntur in
sphæra: id au-
tèm dico, ut
circuli æqui-
distantes re-
cto ad hæc
puncta desi-
gnata refe-



cēnt arcus æquales ex utraque parte circuli æquinoctialis, quomodo exposuimus, ac si esset in sphaera ipsa. quod ut ratum stet: confurget à puncto e linea recta perpendicularis super a g, in punctum t usque ad circumferentiam: perducentur deinde lineæ rectæ t x z, & t a, sicq; t h l, & t g. Quoniam ergo in semicirculo est angulus a t g, eum rectum esse.

constans est. At uero quoniam quanta est z e in e h, tanta e d in seipsam ducta erit: & tanta e t in seipsam. unde necesse est, ut quæ fuerit proportio z e ad e t, ea sit e t ad e h. re-
ctus est ergo angulus z t h. Constat autem re-
ctus & a t g. Sublato ergo communi medio,
anguli a t k, & g t l, necessario æquales relin-
quuntur: unde & arcus a k, & l g æquales ef-
se consequens est. Habemus ergo, quoniam
lineæ t k, & t l applicantur ad arcus, quorum
est eadem distantia à puncto de circulo æqui-
noctiali: quæ eductæ à puncto t, æquidistan-
te oppositis punctis a & g per quadrantes, fa-
ciunt in linea z g puncta z, & h, per quæ de-
signari habent circuli duo æquidistantes re-
cto pari utrinque distantia. Quare necesse est
lineam z e h, continuare puncta potentia dia-
metrum circuli decliuis terminantia.

- c Designabimus deinde circulum alium de-
cliuem à circulo æquinoctiali loco horizon-
tis, quousque secet æquinoctialem per me-
dium: unde puncta duo, ut hic & zodiacus se
interceperint, potentialiter per diametrum
esse opposita necesse sit. Id autem dico, ut li-
nea continuans ea puncta per centrum æqui-
noctialis

PLANISPHERIVM

noctialis transeat. Sit enim, ut consueuimus, circulus æquinoctialis a b g d circa centrum e: zodiacus uero h b t d, quorum sectionis puncta continuans diametros b e d: Horizon autem h a t g, æquinoctialem per æqualia secans super diametro a e g, cuius & zodiaci communis sectio

Dico ergo si applicuerit punctum h cum centro e, linea recta loco meridiani circuli: producaturq; in directum, necessario per punctum t transibit.

Applicet ergo h
e linea recta:

eatq; in directum quousque horizontem fe-
riat, atque interim in puncto t. Dico itaque
punctum t commune zodiaco quoque circu-
lo. Quoniam enim in circulo h a t g, linea
duæ se inuicem secant a g, & h t: erit quanta
a e in e g, tanta h e in e t: ergo & quanta b e in
e d.




ed. unde & b d, & h t in eodem esse circulo necesse est: quapropter & super zodiacum t signatum esse consequens est. Fuit autem t signatum super horizontem: etenim quorum sectionem continuat linea t h, quam per centrum æquinotialis transire constans est. unde manifestum est & zodiacum nihilominus ab horizonte secari ad puncta per diametrum opposita.

ADDITION Maslem argumentum: lineam h e in directum ductam non posse horizontem præter punctum t attingere. Esto enim, ut ex parte altera attingat; atque si placet ad punctum m: producaturnq; in directum e m usque in circumferentiam zodiaci in punctum z. Quoniam ergo quanta est a e in e g; tanta h e in e m: erit & quanta b e in e d. est autem quanta h e in e z. Eiusdem est ergo h e in e m: & h e in e z. unde e m, & e z æquales esse consequens est. Impossibile est ergo lineam h e in directum productam, horizontem præter punctum t attingere. Ex his consequens est, quod omnis circulus, qui alterutrum horum per medium secat, & alterum per æqualia secabit.

His ita constitutis, nunc metienda est portio semidiametrorum æquidistantium circulorum, qui designati sunt supra signa circuli declivis, ad semidiametrum circuli recti: quousque deprehendamus ortum eorum: certoq; metiamur numero, pro ut apparet in sphaera corporea a planete, & declivi. Describatur

batur itaque circulus æquinocctialis a b g d cir-
ca centrum e, cuius diametri orthogonaliter
se secantes, a g, & d b : & protrahemus a g se-
cundum rectitudinem usque ad punctum z :
deinde circa g refecabimus duos arcus æqua-
les g t, & g h : producenturq; pariter lineæ d
k h, & d t z
ea quidem ra-
tione, qua
cōstituimus
æquidistan-
tium circulo
rum septen-
trionale quid-
em fieri cir-
ca centrum
e ad mensu-



ram e k : australem uero circa idem centrum
ad mensuram e z . Dico ergo, quòd propor-
tio e z ad e d eadem sit, quæ e d ad e k : siqui-
dem arcus g h, & g t æquales : & arcus b t, &
b h semicirculum æquant . unde angulos b d
t, & b d k recto æquales esse consequens est .
Sunt autem anguli e d k, atque e k d recto æ-
quales . Sunt ergo similes rectanguli duo triā-
guli

h

i

K guli e d κ , & e d z. unde necesse est, ut quæ
 fuerit proportio e z, ad d e; eadem sit e d ad
 e κ . Deinde & arcuum earundem chorda-
 rum proportionem assumimus. Manifestum
 est enim, quod proportio, quæ est anguli b d
 ad angulum e z d, eam esse arcus b t ad ar-
 cum t d, cum sit æqualis b h; quæ nimirum
 & arcus e z ad arcum e d: de circulo uideli-
 cet designato super triangulo e d z. unde con-
 sequens est, ut quæ fuerit linearum e z ad e d,
 atque e d ad e κ : eadem sit chorda b t ad
 chordam t d proportio, nam trianguli b t d,
 & e z d sunt similes. His ergo habitis, metie-
 mur in primis utrumque arcum g h, & g t par-
 tibus XXIII, punctis LI, secundis XX; ex
 eis, quæ CCCLX circulum metiuntur re-
 ctum; qui par est (ut prius diximus) utrius-
 que tropicorum distantia ab æquinoctiali in
 sphaera corporea. Erit ergo secundum hanc
 distantia quantitatē arcus b t gradus CXIII,
 puncta LI, secunda XX. ex eo numero, qui
 totum circulum metitur CCCLX gradibus:
 arcus autem b h residuus de semicirculo gra-
 dus LXVI, puncta VIII, secunda XXXX:
 linea uero recta chorda arcus b t partes C,
 C 2 puncta

PLANISPHERIVM


puncta XXVIII , secunda XXVIII ; ex eis partibus, quæ CXX totam circuli diametrum metiuntur, quemadmodum in Almagesti constitutum est: chorda uero bh partes LXV , puncta XXIX , secunda (LVIII). ergo quæ proportio est partium C cum punctis XXXIII , secundis XXVII ; ad partes LXV , puncta XXIX , secunda (LVIII), ea est lineæ ez ad lineam cd ; atque e d ad e k lineam.

Quoniam ergo e d semidiameter circuli recti absolute LX partium est: metiuntur quidem ex eis partibus, XCII , puncta VIII , secunda XV , lineam ez semidiametrum hyemalis tropici: semidiametrum autem æstiuæ partes, XXXIX , puncta III , secunda XIX .

Ex his consequens est; quoniam hæ semidiametri simul iunctæ, totam zodiaci diametrum faciant: Simul autem acceptæ sunt partes CXXXI , puncta XII , secunda XXXIII : semidiametrum zodiaci constare ex partibus LXV , punctis XXXVI , secundis XVII : centrumque eius ab æquinoctiali centro distare partibus XXVI , punctis XXXI , secundis LVIII .

Ponemus ergo deinde utrumque arcum gh , & gt partes, XX , puncta XX , secunda IX :
 quanta

quanta est distantia inter æquinoctialem, & æquidistantes infra pūcta tropica tricenis gradibus zodiaci; eritq; arcus b t gradus CX, puncta XXX, secunda IX; cuius arcus chorda partes XCVIII, puncta XXXV, secunda LIX: Arcus uero b h gradus LXIX, puncta XXIX, secunda LI; cuius chorda partes LXVIII, puncta XXIII, secunda LI. Hic ergo quæ fuerit proportio partium XCVIII, cū



punctis XXXV, secundis LIX; ad partes LXVIII cum punctis XXIII, secundis LI: eam est necesse esse lineæ e z ad lineam e d, atque e d ad lineam e k. unde ex partibus LX, quæ lineam e d metiuntur; numerari necesse est in lineæ e z partes LXXXVI pūcta XXIX, secunda XXXXII, in lineam uero e k partes XXXXI, puncta XXXIX, secunda XV. Hoc aliter,

aliter, si ponamus utrumque arcum gh , & gt partes xi , puncta $xxxix$, secunda lix : quanta est distantia inter æquinoctialem, & æquidistantes infra tropica puncta sexagenis partibus: arcus bt totus fuerit gradus Ci , puncta $xxxix$, secunda lix . Chorda eius partes $xciiii$, puncta ii , secunda $xiiii$: arcus uero bh gradus $lxxviii$, puncta xx , secunda i . Chorda eius partes $lxxv$, puncta $xxxxvii$, secunda $xxiii$. Quæ ergo est proportio partium $xciiii$ cum punctis ii , secundis $xiiii$; ad partes $lxxv$, cum punctis $xxxxvii$, secundis $xxiii$: eadem est linea $e z$ ad lineam $e d$: atque $e d$ ad lineam $e k$. ex eis partibus, quæ lx lineam $e d$ complent: lineam $e z$ necesse est metiri partes $lxxiii$, puncta $xxxix$, secunda vii : lineam uero $e k$ partes $xxxxviii$, puncta lii , secunda $xxxxii$: Quod si utrumque arcum gh , & gt ponamus partes $liiii$: quanta est distantia ab æquinoctiali æquidistantium, quos tangit horizon inclimate R hodos (quod clima exempli gratia assumimus in sphaera corporea) erit ibidem arcus bt gradus $Cxxxiiii$: chorda eius partes C
7112
xiiii,

XIIII, puncta VII, secunda XXXVII. Arcus uero bh gradus XXXVI; cuius chorda partes XXXVII, puncta IIII, secunda LV. Sic ergo quæ est proportio partium CXIIII cum punctis VII, secundis XXXVII; ad partes XXXVII cum punctis IIII, secundis LV: eadem lineæ e z ad lineam e d, atque e d ad lineam e k. de partibus quæ LX lineam e d faciunt: habebit lineæ e z partes CLXXXIIII, puncta XXXIX, secunda XXXXII: lineæ uero e k partes XIX, puncta XXIX, secunda XXXXII. Ex his constans est, siquidem lineæ duæ simul iunctæ faciunt diametrum horizontis; cuius modo mentionem fecimus, quemadmodum diametrum zodiaci semidiametri tropicorum: eam diametron metiri partes CCIIII, puncta IX, secunda XXIIII; ex eis, quæ CXX diametron æquinoctialis metiuntur. unde semidiametron horizontis esse necesse est partes CII, puncta IIII, secunda XXXXII: centriq; eius ab æquinoctialis centro distantiam partes LXXXII, puncta XXXV, secunda III.

Hic locus est argumenti Maslem. Quia deprehen-
sum est (inquit) quod distantia æquidistantes recto cir-
culo terminant lineam d t z, & d k h, ut semidiametros


australis

australis circuli à puncto e porrigatur usque quo linea t d concurrat cum e g: uelut si arcum g t ponamus gradus LXXXIX: necesse est linearum concursum fieri super diametro circuli distantis ab æquinoctiali ad austrum gradibus LXXXIX. Scimus autem distantiam poli ab æquinoctiali circulo integris xc. gradibus: quantus totus g d arcus. si ergo in hac planitie polum australem inuenire debeamus, illic oportet, ubi lineam e g æquidistant ei à puncto d producta continget: æquidistantes uero nunquam concurrunt. ergo impossibile est in hanc planitiem polum australem repræsentari: Nam nec si polum australem posuerimus: adesse septentrionalem possibile est. Si enim rectæ lineæ propositum polum transeunt, eos notant circulos, qui sese ad utrumque polum interfecant: si uterque adesset; eas lineas in duobus locis sese intercipere necesse foret. quod quoniam in rectis lineis impossibile est: nec in una repræsentari planitie utrumque polum possibile est.

His habitis deinceps metiri conuenit quantitatem ortus signorum, prout accidit in sphaera corporea. Esto enim (ut solet) circulus æquinoctialis a b g d circa centrum e: zodiacus uero z b h d circa centrum t: diametrorum super e orthogonaliter deductarum loco meridiani circuli; altera puncta sectionum continuat b, & d, quæ & signa æquinoctialia altera per utrumque centrum g h, & a z, quorum puncta tropica h, & z. Quoniam ergo ratiocinatio nostra demonstrandi est, quantum in sphaera recta oriatur de circulo æquinoctiali cum quotlibet gradibus zodiaci.

Horizontis

Horizontis autem recti in sphaera recta pos-
 itio, quasi circuli meridiani, potentia quidem
 rectarum linearum per polum æquinoctialis
 circuli, punctum uidelicet et transeuntium,
 quæ est positio meridiani. Constat ergo, quo-
 niam arcus $z b$, & $h d$ sunt quadrantes circu-
 li decliuis, eos
 oriri cum arcu-
 bus $a b$, & $g d$
 quadrantibus.
 æquinoctialis:
 cum eisq; cœ-
 lum mediare:
 pariter & cum
 eis occumbere:
 linea siquidem
 $b d$ in circulo
 $b g d$, cum per
 medium fecerit
 diametrum $t h$: & orthogonaliter ad punctū
 e , æquales duos arcus de zodiaco resecari ne-
 cesse est; $b k$ uidelicet, & $d l$. producentur
 itaque lineæ $k m e n$, & $l c e y$. quo facto,
 quoniam per puncta $k l$, & $y n$ transeunt cir-
 culi æquidistantes; quorum par utrinque ab
 æquinoctiali



D æquinoctiali

æquinoctiali circulo distantia, quousque punctum K sit potentia oppositum puncto n : sicq; punctum l puncto y , si ponamus arcum bK signum piscium: erit ld signum libræ, eodem modo by signum arietis: sicq; dn loco uirginis. producta itaque linea Kt , quoniam triangulus Kte æqualium est laterum, & angulorum cum triangulo lte : erit & angulus Ket æqualis angulo let : sicq; reliqui anguli Keb , & led : sicq; his oppositi. qui quoniam apud centrum æquinoctialis circuli, arcus & eiusdem circuli sub his angulis, qui cum singulis his oriuntur æquos esse necesse est: ex quibus unius ad cuiusque ortum metiendum quantitatem sufficit indagari: atque si placet bm . Producimus itaque super Ke perpendicularem tf . quo facto, quoniam de eis quæ LX semidiametron æquinoctialis continent: lineam quidem tK semidiametron zodiaci metiuntur partes LXV , puncta $XXXVI$, secunda $XVII$: linea uero et inter circulorum centra, partes quidem $XXVI$, puncta $XXXI$, secunda $LVIII$: linea autem Ke semidiametros æquidistantis circuli æquinoctiali, designati ad caput piscium, & caput scorpionis, puncta

1

puncta uidelicet k & l , partes quidē $LXXIII$,
 puncta $XXXIX$, secunda VII : notus est trian-
 gulus $k t e$. Si ergo comparemus ad lineam
 $k e$ tetragonum $k t$, subtracto ei tetragono t
 e : determinabitur augmentum lineæ $k f$ su-
 per lineam $e f$. Quoties enim duorum se in-
 uicem secantium circulorum maior mino-
 rem per medium secat: de maioris semidia-
 metro in se ducta, si tetragonus distantiae cen-
 trorum subtrahatur: relinquitur tetragonus
 semidiametri minoris circuli. Hic ergo quo-
 niam in hunc modum decliuis æquinoctialem
 medium secat: semidiameter maioris $t k$ in se
 ducta maior est tetragono $t e$ centrorum di-
 stantiae, quantum semidiameter minoris e
 b ex seipsa producit, cum & rectus sit angulus
 $b e t$, & linea $t b$ æqualis lineæ $t k$. lineam au-
 tem $e b$ semidiametron æquinoctialis circuli,
 quoniam partes LX metiuntur, ex eisdem
 tetragonum eius $IIIMDC$ continere neces-
 se est: de quibus item supradictam lineam e
 k metiuntur partes quidem $LXXIII$, puncta
 $XXXIX$, secunda VII : ad quam si differen-
 tiam illam, uidelicet tetragonum $e b$ compa-
 remus (id est si quadratum $e b$ per lineam e

17

D 2

k diui-

K diuidamus) procedet augmentum lineæ
 K f super lineā fe; quæ sunt partes XLVIII,
 puncta LII, secunda XLII. quod cum sub-
 tractum fuerit de lineā K e: relinquuntur par-
 tes XXIII, puncta XLVI, secunda XXV;
 cuius dimidium metietur lineā fe, quæ sunt
 partes XII, puncta XXIII, secunda XII; ex
 eis uidelicet, quarum XXVI cum punctis
 XX XI, secundis LYII lineam e t metiuntur:
 Ex eis itaque partibus, quæ fiunt in lineā e t
 GXX; opposita scilicet recto angulo e fg; ne-
 cesse est numerari in lineā fe partes LV cum
 punctis ferè LIX. arcū uero chordæ fe metiri
 gradus LV cū punctis XL; ex CCC LX totius
 circuli rectangulum triangulum f e t continen-
 tis. Ex gradibus ergo, qui fuerint in quatuor
 rectis angulis CCC LX: cōpnebit angulus ft e
 XXVII cum punctis L. hic autem cū angulo
 f e t angulo recto æquatur; qui ipse cum angu-
 lo b e K nihilominus rectū angulum complet.
 Subtracto ergo communi medio, reliquitur
 angulus b e K æqualis angulo ft e: metiuntur
 itaque angulum b e K gradus XXVII, pun-
 cta L; qui quoniam apud centrum æquino-
 ctialis circuli, & subiectum ei arcum b m meti-
 ri

ri necesse est gradus $XXVII$; puncta L ; ex
 $CCCLX$ totius circuli æquinoctialis. Hi sunt
 itaque gradus, & puncta, prout in sphaera cor
 poreâ positum est, ex gradibus æquinoctialis
 circuli, cum quibus $IIII$ signa circumposita
 pñctis æquinoctialibus in sphaera aplanete sic
 oriuntur. Possumus autem & leuiori modo
 ad hoc peruenire. Quanta enim K e in e , tan
 ta e b in e d. Est autem b e in e d partes
 $IIIMDC$, quod cum diuisum fuerit per li
 neam e K , colligitur linea e n . itaque notam
 esse constans est. quam quoniam K e superat
 duplo linea f e : pariter & f e notam esse con
 sequens est. Est autem e t nota; quoniam re
 cto angulo apud f opponitur: erit & angulus
 f t e notus, angulo uidelicet K e b æqualis,
 quam arcus ipsius b m notitia consequitur.

Simili modo metiri licet sequentium or
 tum, ut si ponamus arcum decliuis circuli b
 K , arcum duorum signorum, quousque pun
 ctum K notet pñcipium aquarii: punctumq;
 l pñcipium sagittarii, quorum opposita per
 diametron, n quidem caput leonis, y uero
 pñcipium geminorum. Cæteris itaque simi
 li modo productis, remanebunt K t & t e eius
 dem

dem quantitatis. Linea uero κ e accrescat;
 prout demonstratum est, semidiametron æ-
 quidistantis circuli designati ad principium
 aquarii, & sagittarii, metiri partes LXXXVI
 puncta XXIX, secunda XLII. Si ergo diffe-
 rentia supra dicta, id est III MDC per cam li-
 neam diuidentur, colligetur augmentum li-
 neæ κf , super li-
 neam $f e$, quæ
 sunt partes XLI,
 puncta XXXX
 VIIII, secunda
 XVIIII. quod
 ubi subtractum
 fuerit de linea
 κe , remane-
 bunt partes XL-
 IIII, puncta LI,
 secunda XXIIII;
 cuius dimidium
 partes XXII, puncta XXV, secunda XLII.
 lineam $f e$ terminare consequens est; ex eis u-
 delicet partibus; quarum XXVI cum pun-
 ctis XXXI, secundis LVIII lineam $e t$ termi-
 nant. Ex eis itaque partibus, quæ CXXX li-
 neam



neam e t, recto angulo oppositam constituunt;
 erit linea f e partium C I cū punctis X X V I I I.
 Arcus chordæ f e gradus C X V, puncta X X-
 V I I I ex C C C L X partibus totius circuli, re-
 ctangulum triangulum f e t continentis. Ex
 eis itaque gradibus, qui fuerint in quatuor re-
 ctis angulis C C C L X; habebit angulus f t e
 gradus L V I I, puncta X L I I I, cui æqualis
 est angulus b e K. qui quoniam apud centrum
 æquinoctialis circuli, & arcum b m, eius quan-
 titatis esse necesse est. unde portione piscium
 sublata, portio aquarii erit reliquarum par-
 tium X X I X cum punctis L I I I. Quam can-
 dem esse & reliquorum trium, eadem ab æ-
 quinoctialibus punctis quantitate distantium,
 id est tauri, leonis, & scorpionis supra data ne-
 cessitate consequi. unde reliquum de qua-
 drante, id est gradibus X C, reliquorum qua-
 tuor, uidelicet geminorum, canceri, sagitta-
 rii, & capricorni ortus quantitatem metiri
 consequens est.

His ita firmatis, intuendum est deinceps,
 idem ne sit ortus signorum in ipsa sphaera de-
 cliui, an alium exigat ratio, quam qui in spha-
 ra recta constitutus est. Sequamur itaque

sup

modum

modum exempli dati, in libro de Almagesti
circulo transeunte per Rhodon insulam, cu
ius horizontis polus septentrionalis XXXVI
gradibus ascendit, cuius semidiametron, si
cut inter supra dicta constitutum est, metiun
tur partes CII, puncta IIII, secunda XLII,
centriq; eius ab æquinoctiali centro distantia
partes LXXX-
II, puncta

XXXV, secun
da IIII. Esto
itaque (ut mos
est) circulus æ
quinoctialis a b
g d, circa cen
trum e: zodia
cus uero z b h
d circa cētrum
t. Quo factō in



telligamus mo
rum sphæræ tanquam in puncto e, septentrio
nali puncto fixo, ex puncto d per puncta g &
b in punctum a. Intelligemus itaque primum
de his circulis horizontis, duos arcus contin
gentes pariter utrunque tropicum punctum,
quæ

quæ sunt z & h , quorum alter z khl , alter z mhn . Constat itaque cum fuerit horizontis positio, ut situs est arcus z khl , necessario simul oriri punctum z , & punctum: oppositaq; his h & lillo momento occumbere. Cum uero ut situs est arcus z mhn , econuerso, id est n & h puncta simul oriri: eademq; hora m & z occumbere, dum motus sphaeræ intelligatur qualem assignauimus, fixo scilicet in nota e polo septentrionali. His constitutis, quoniam, ut supra dictum est, non solum zodiacus æquinoctialem secat circulum, uerum & horizon omnis, tam hunc, quàm illum. Cum eos in hunc modum signauerimus: necesse est, ut lineæ recte puncta sectionum continuantes k l & m n , transeant per centrum e : ex quo constans est, arcum mn æqualem esse arcui kl ; sicq; arcum am æqualem arcui gn . Superest, ut arcus am arcui ak æqualis constituatur. Figemus itaque secundum hos arcus horizontis duo centra in puncto c , & puncto y : producemusq; lineas ct , & ty , & ec , & ey . Quoniam ergo quoties duo circuli se inuicem secant, si lineam puncta sectionum continuantem, centra continuans linea


E secet,

m

fecet, necesse est per æqualia, & orthogona-
 liter secare: unam & rectam esse lineam c t y
 consequens est, lineam z h in medio, & ortho-
 gonaliter secantem. Non aliter c e perpendi-
 cularis k l; sicq; y e perpendicularis m n.
 Sunt ergo utrinque trianguli circa e t inter c
 & y, tam lateribus, quàm angulis, prout sese
 respiciunt, æquales: angulus uidelicet c e t
 angulo y e t. sunt autem & anguli y e m & c e
 k, ut qui recti, æquales. unde residuos quo-
 que angulos, uidelicet a e m, atque a e k æ-
 quos esse consequens est. sicq; & arcus a m at-
 que a k æquales esse manifestum est; sicq; l g,
 & g n, ipsiq; utrique utrisque. Quoniam ergo
 arcus h b oritur cum arcu n b; sicq; arcus b z
 cum arcu b k, qui est æqualis b n: rursusq;
 arcus z d cum arcu k d, atque arcus d h cum
 arcu d n, qui est æqualis d k. Ex his constat,
 arcus decliuis circuli, ut æqualiter utrinque
 ab æquinoctialibus punctis distans, æquali ori-
 ri quantitate. Amplius, quoniam arcus b z
 decrescit ab ortu suo sphaeræ rectæ, quantita-
 te arcus k a: oppositus uero arcus d h tanto
 accrescit, quantus est arcus b n, æqualis ui-
 delicet k a; æstius tropicus punctus h: con-
 stans

stans est, signa circa uernale tempus æquinoctii, tanto quidem ab ortu suo sphaeræ rectæ decreſcere, quanto opposita his ortum suum sphaeræ rectæ superant. unde conſequens est eis climatis minimum diem, tanto æquinoctiali die minorem, quantum conſtituunt utrique arcus a κ & g n maximum, tantoque maiorem.

His quoque cognitis, uidendum est primū in hoc climate, utrumne dierum eius differentia, quam exposuimus, concordet ei, quæ in sphaera corporea accidit.



Describemus

ergo huius figuram, in eaque (ut ante) horizontem per puncta z h l singulariter. Vtergo, quod intendimus, deprehendamus; quantitatem uidelicet arcus a κ: figemus (ut antè) centrum horizontis in puncto c: producemusque;


cemusq; lineas $e c$ & $c t$ perpendiculares li-
 neis $z h$ & $k l$. Quoniam ergo, ut est consti-
 tutum, lineam $c e$ distantiam centrorum æ-
 quinoctialis circuli, atque horizontis eius cli-
 matis metiuntur partes $LXXXII$, puncta
 $XXXV$, secunda III ; ex partibus uidelicet,
 quarum lineam $e t$, distantiam centrorum æ-
 quinoctialis, & zodiaci continent partes $XX-
 VI$, puncta $XXXI$, secunda $LVIII$. ex par-
 tibus ergo, quarum in linea $e c$ recto angulo
 opposita numeramus partes CXX : erunt in li-
 nea $e t$ partes $XXXVIII$, puncta $XXXIII$.
 cuius chordæ arcus graduum $XXXVII$ cum
 punctis XXX ; ex $CCCLX$ gradibus totius
 circuli triangulum $e c t$ continentis. Ex gradi-
 bus itaque $CCCLX$, quos in quatuor rectis
 angulis numeramus, continebit angulus $e c t$
 gradus $XVIII$, puncta XLV : angulus ue-
 ro $c e t$, rectum cum hoc perficiens, gradus
 $LXXI$ cum punctis XV . Necesse est ergo &
 angulum $a c k$ constare ex gradibus $XVIII$,
 punctis XLV . unde & arcum $a k$ eiusdem ef-
 fe quantitatis consequens est. Metiuntur er-
 go ortum utriusque quadrantis à uernali æ-
 quinoctio, gradus $LXXI$, puncta XV : ab au-
 tumnali

tumnali uero gradus CVIII, puncta XLV. unde dierum longissimi, & breuissimi, ab æquinociali die differētia graduum XXXVII cum punctis XXX. quæ sunt æquales horæ duæ & semis, prout in sphaera corporea est constitutum.

Deinceps ergo ad metiendum signorum ortum in hoc climate, constituemus iterum æquinocialem circulum a b g d circa centrū e: zodiacum h d z b. Quo facto, de zodiaco ressecabimus ar-

cum b t: primumq; ad mensuram unius signi, quod esse pisces constans est, continuabimus t e l lineam rectam: pariterq; circinabimus circulum horizontis latitudine graduum XXXVI, ut ante, per puncta t & l transeuntem, atque æquinocialem ad puncta m

& n



& n secantem: producemusq; lineam m e n :
 sicq; ad centrum horizontis, ut ante, locato
 c, ducemus lineas rectas c e & e t : postremo
 & perpendicularem lineæ t l lineam c y. Est
 ergo, ut supra dictum est, arcus a m ea diffe-
 rentia, qua aries & pisces, utrunque in hoc
 climate decrescit ab ortu sphæræ rectæ; ea-
 demq; , qua oppositorum his utrunque super
 ortum suū in sphæra aplanete accrescit. Con-
 stat autem & lineam e t, semidiametrū æquidi-
 stantis circuli designatj ad caput piscium par-
 tium LXXIII cum punctis XXXIX, secun-
 dis VII; ex eis, quarū lineæ e t distantia cen-
 trorum continet partes LXXXII, puncta
 XXXV, secunda III. Quoniam ergo aug-
 mentum tetragoni t c, supra tētragonum e t,
 in partibus IIIMDC: Is numerus si per li-
 neam e t diuidatur; prosequamurq; sequen-
 tia per ordinem, quemadmodum in sphæra
 recta: colligemus lineam e y, ut ante, par-
 tium XII cum punctis XXII, secundis XII.
 Ex partibus uero, quarum in lineæ c, recto
 angulo opposita numeramus CXX: habebit
 lineæ e y partes XVIII, & ferè punctum; cu-
 ius chordæ arcus graduum XVII cum pun-
 ctis

dis XVI, ex CCCLX totius circuli triangulum e t y continentis. Ex gradibus ergo, quos in quatuor rectis angulis numeramus CCCLX, habebit angulus e t y gradus VIII, puncta XXXVIII ex CCCLX totius circuli æquinoctialis. Quoniam ergo, ut supra dictum est, unumquodque ex quatuor signis circa puncta æquinoctialia in sphaera aplane te oritur cum gradibus XXVII, punctis L: cum de hac summa hos gradus VIII cum punctis XXXVIII subtraxeris: relinquetur numerus ortus arietis, ortusq; piscium in hoc climate: gradus scilicet XIX, puncta XII. si uero eosdem gradus VIII cum suis punctis suprapositæ summæ adiiciamus: accrescet numerus ortus uirginis, ortusq; libræ: gradus uidelicet XXXVI puncta XXVIII.

Simili exemplo metiri licet & sequentium ortum: ut si refecimus arcum b t, ad quantitatem duorum signorum: piscium, & aquarii, quousque & cætera modo superiori perficiantur. unde lineam e t, ut pote semidia-
metrum æquidistantis circuli designati ad caput aquarii accrescere necesse est; quousque partes quidem LXXXVI, puncta XXIX, secunda

cunda XLII contineat: per quam ubi diuise-
rimus supradictam differentiam IIIMDC:
sequētiaq; per ordinem modo supradicto ex-
pleuerimus: colligemus, ut ante, lineam e y
partium XXII cum punctis XXV, secundis
XLII. Ex partibus ergo, quas in linea e c re-
cto angulo op-
posita numera-
mus CXX: con-
tinebit linea e
y partes XXX-
II, puncta
XXXII; cuius
chordæ arcus
gradus XXXI,
pūcta XXXII,
ex CCCLX to-
tius circuli triā-
gulum e c y, cō-
tinentis. Ex gradibus ergo, quos CCCLX
in quatuor rectis angulis numeramus: habe-
bit angulus e c y gradus XV, puncta XLVI.
qui quoniam est æqualis angulo t e m: metien-
tur etiam arcum a m gradus XV, puncta
XLVI: augmentum uidelicet ortus horum
duorum



duorum signorum super ortum eorū in sphæ-
 ra aplanete; quem ut supra dictum est, metiū-
 tur gradus LVII, puncta XLIIII. de qua
 summa si gradus XV, puncta XLVI subtra-
 xerimus: relinquetur ortus piscium simul, &
 aquarii graduum XLI cum punctis LVIII.
 unde portione piscium dempta, relinquitur
 ortus aquarii in gradibus XXII, punctis
 XLVI. Quod si prædictæ summæ eisdem
 gradus XV. cum suis punctis adiiciamus, ac-
 crescet ortus leonis simul, & uirginis gra-
 duum LXXIII cum punctis XX. unde
 portione uirginis dempta, relinquitur ortus
 leonis graduum XXVII cum punctis II. Con-
 stat autem taurum æqualiter oriri aquario;
 sicq; scorpionem leoni: nam geminis, & ca-
 pricornio in residuis temporis spatiis, quæ
 Arabes Zemenen uocant, sui utrinque qua-
 drantis, quoniam & cancer, & sagittarius in
 sui utrinque quadrantis temporis spatiis resi-
 duis oriuntur: Geminorum quidem, & ca-
 pricorni gradus XXIX: Canceri uero, & sa-
 gittarii gradus XXV, puncta XV; ex CCC-
 LX æqualis circuli gradibus, in quarto uide-
 licet climite Rhodi insulæ, quod medium ha-
 bitabilium

PLANISPHERIVM
 bitabilium exempli caussa assumimus in sphae-
 ra: ceteris ad imitationem eius ad eundem
 modum contrahendis.

PLANISPHERII
 PARS SECVNDA.

VPERIORIS tractatus particula de cir-
 culis æquidistantibus recto usque ad signo
 rum ortum continet. Huius series habet
 æquidistantes zodiaco, quousque assignent
 loca stellarum fixarum, qua ratione eas con-
 tineat id, quod

in horoscopia
 instrumento a-
 ranea uocatur.

Assumimus er-
 go ex descri-
 ptis circulis eū,
 qui extrinsecus
 ambiens, om-
 nes alios intra
 se continet:

eumq; describimus notis a b g d circa centrū
 e cum circulis meridianis, cuius diametri se
 inuicem



inuicem orthogonaliter secantes a g, & b d.
quo facto refecamus ex puncto g arcum g z,
cuius quantitas terminetur ad mensuram di-
stantiæ à circulo æquinoctiali æquidistantis ei,

o poreæ. producimur deinde lineam à puncto g
æquidistantem lineæ e d, terminatam notis g
h : descendetq; pariter ex puncto h super li-
neam e d perpendicularis h t : applicabis & g
cum d transiens h t lineam ad punctum κ. Di-
co ergo, quòd si de lineæ e g rescindamus æ-
quum t κ, idq; ad punctum l : describamusq;

p circa e centrum ad mensuram e l circulum c
l m : erit distantia a b g d à circulo c l m desi-
gnata, ad quantitatem arcus similis arcui g z.
quod ut planè constet, applicabis g cum m se-
cans circulum c l m ad punctum n : eritq; ar-
cus m n similis arcui d z : sicq; arcus g z reli-
quus de quadrante sui circuli similis arcui l n
residuo de quadrante circuli sui : quod ita pla-
nè sumi potest. Est enim quanta d e ad lineam

p e g, tanta d t ad lineam t κ. est autem d e æ-
qualis e g. est ergo & d t æqualis t κ. at uero
t κ æqualis e m. est ergo e m æqualis t d. ac-
cepta ergo t m in commune medium; erit e t

æqualis m d. exitit autem æqualis & æquidistans g h. sic ergo & m d æquidistans est & æqualis eidem g h. unde & h d, atque g m, & æquales, & æquidistantes esse necesse est. Est ergo angulus g m e æqualis angulo z d e. unde arcum c l n arcui b g z similem esse consequens est. sicq; & residuum residuo de semicirculis: id est m n, ei qui est z d similem esse consequens est. Si ergo circulus c l m statueretur æquinoctialis: erit circulus a b g d designatus ab eo ad distantiam arcus l n arcui g z similis.


Deinceps conuenit propositum in sequi: designandi uidelicet circulos, quorum habitudo ad zodiacum, qualis eorum, qui descripti sunt, ad æquinoctialem: quousque pateat nobis positio stellarum, habitudine earum ad hunc circulum, præter eam, quæ ad æquinoctialem. Esto enim primo loco circulus æquinoctialis de circulis planisphærii descriptis, notis a b g d circa centrum e: zodiacus uero l b h d circa centrum x: linea recta per utrumque centrum transiens l a h g: sectiones uero circulorum continuans linea b e d. refecamus itaque arcum b t ad quantitatem.

q

q

titatem arcus distantiae inter polum æquinoctialis circuli, & polum zodiaci. transibit & linea per d k t: punctum uero k potentia respiciens polum zodiaci. Constat ergo, quòd si hæc distantia statuto terminetur computo, circulus

ab hoc pũcto k per gemina zodiaci puncta per diametrum opposita transiens, secet & æquinoctialem cir-




culum per medium: constat enim circulum omnem, qui alterutrum horum per diametrum secuerit; & alterum per diametrum secare. eritq; circulus hic magnus, ambiens utrinque orthogonaliter intercipientis.

Hic subiungit Maslem, quòd cum huiusmodi circulus in planisphærio describatur: si per gradum stellæ transeat, utcunque sita sit: transire quoque hunc per ipsum corpus stellæ. et si per ipsum corpus stellæ transeat: transibit etiam per gradum stellæ. Amplius, lineæ rectæ
per

per centrum æquinoctialis circuli in planisphærio transeunt, si per corpus stellæ transeant; transibunt & per gradum, cum quo cælum mediat, id est, cum quo ipsa transibit meridianam lineam. Conuerso quoque, si per hunc gradum transeant; transibunt & per ipsum corpus stellæ, ubicunque sita fuerit.

Nunc æquidistantium zodiaco in planisphærio descriptio notanda. Describamus itaque circulum meridianum per utrumque polum transeuntem a b g d circa centrum e: axem intelligibilem lineam d e b: punctum d australem polum intelligentes: diametrum circuli æquinoctialis a e g: diametrum circuli æquidistantis zodiaco z h r, quem in planisphærio describere propositum sit. Deducimus itaque



per punctum h lineam æquidistantem lineæ a g notis k l, terminantes lineam d m z, secantem in q: & d c l, atque d n t continuantes.


Dico

Dico ergo circulum, cuius diameter $z t$, designari posse circa diametrum $m n$; continget enim hinc inde duos circulos æquidistantes æquinoctiali; quorū ab eo distantia in quantitate arcuum $a z$, & $g t$. secabit & circulum æquidistantem æquinoctiali, cuius diameter $l k$, per medium apud circulum meridianum, cuius diameter $b d$; quem ad quantitatem $c e$, describimus inter notas $c y f$; quam per medium secabit circulus circa $m n$ descriptus, per puncta $f y$ transiens. Applicabunt itaque lineæ rectæ $b c$ cum z , & $b c$ cum q : procedent & $k l$, atque $d t$ in directum, quousque concurrant ad punctum r . Quoniam ergo anguli duo $d z b$, & $b h q$ recti sunt: consequens est $b h q z$ puncta per circumferentiam circuli locata. unde angulum $b q h$ æqualem esse necesse est angulo $b z h$, qui æqualis est angulo $b d t$; quorum eadem bases. sic ergo angulus $b q r$ æqualis est angulo $b d r$. unde puncta $b d r q$ super circumferentia circuli esse locata constans est. Est ergo, quantum $b h$ in $h d$, tantum $r h$ in $h q$ ducta. quantum uero $b h$ in $h d$, tantum quod $h l$ in seipsum producit. Est ergo quantum $h l$ in seipsum ducta,

ducta, tantum $r h$ in $h q$. est autem $q r$ æquidistans lineæ $m n$. Est ergo quanta $e m$ in $e n$, tanta $e c$ in seipsam ducta. quæ quoniam æqualis $e y$, $e f$; puncta $n y m f$ super circumferentia circuli locata esse consequens est.

MASLEM addit, circulo æquidistante zodiaco (cuius distantia latitudinem stellæ metitur) firmato, deducemus à polo zodiaci in supra data descriptione notato, arcum per gradum stellæ in zodiaco, tam zodiacum, quam æquinoctialem per medium secantis circuli. Vbi ergo is arcus æquidistantem zodiaco secuerit, is punctus est stellæ locus in planisphærio. Hac constitutione de æquidistantibus zodiaco habita, simili ratione, iisdemq; argumentis constitui possunt & æquidistantes horizonti, quos Arabes Pontes nominant: quorum uerticales circuli, id est paralleli ducti ex uertice capitum, tanquam centro, sunt horizonti, ut æquidistantes circulo recto,

Circulorum æquidistantium zodiaco in hunc modum designatorum diuersa semper esse centra necesse est. Sit enim (ut ante) circulus meridianus



a b g d circa centrum e : axis linea b e d : diameter circuli æquinoctialis linea a g : diametri circulorum æquidistantium zodiaco lineæ z h & t k. producentur & lineæ d l z, d m h, d n t, d c k. designamus deinde circa triangulum d n c circulum d y f, producta y f. deinde deuidemus lineam l m per mediū apud punctum o. Cum ergo constans sit circulum circa diametrum z h, describi posse circa diametrum l m; sicq; circulum circa diametrum t k, describi posse circa diametrum n c. Dico hos duos circulos nequaquam esse eiusdem centri: id est punctum o in diametro n c

f minime medium esse. Quoniam enim arcus
26. III. z t æqualis arcui k h, erit arcus y n æqualis arcui c f: unde lineæ l m, & f y æquidistantes.

Y Ergo quæ proportio lineæ d l ad l y, eadem li
t neæ d m ad m f. at uero quæ proportio lineæ
lemm. d l ad lineam l y, eadē lineæ d l in se ductæ ad d
22. x. k in l y ductam. eademq; lineæ d m in se ductæ
ad d m in m f ductam, quæ d m ad m f lineam

u proportio. Quoniam itaque loco circuli d l
36. III. in l y æqualis est l c in l n: sicq; m d in m f, æqualis m n in c m: eritq; proportio d l in se ductæ ad c l in l n: eademq; lineæ d m in seip-


ba

G sam

fam ad m n in c m, alternatim ergo quæ pro-
 portio tetragoni d l ad tetragonum d m, ea-
 dē superficiē ex c l et l n productæ ad superfi-
 ciem ex n m, & c m constitutam. Est autem x
 tetragonus d m maior tetragono d l, pro ut
 d m longior, quàm d l. sic ergo n m in c m
 maior, quàm ~~m~~ c l in l n. Cum ergo com-
 mune medium n c maius sit cum m c in m c,
 quàm cum l n in l n; maiorem esse c m, quàm
 l n constans est. Data vero est m o æqualis l
 o. minorem ergo esse o c quàm o n conse-
 quens est. Nunc ergo punctum o in diame-
 tro n c medium esse impossibile est. quod cū
 medium sit in diametro m l; circulatorum æ-
 quidistantium zodiaco idem esse centrum
 impossibile est.

Deinceps quoniam æquidistans zodiaco, y
 nec in planisphærio descriptus, nec in sphaera
 designatus; cuius portio in parte non appa-
 rente secatur æquidistantes circulo recto, non
 apparentes penes polum australem; quorum
 distantia à zodiaco, aut à capite cancri minus
 altitudine eius in loco definita; aut à capite
 capricorni minus eius altitudine in loco deter-
 minato: ponemus circulum meridianum a b
g d

g d circa centrum e . intelligemus itaque pun-
ctum d polum australem : axem uero b d : dia-
metrum circuli æquinoctialis a g : diametrum



circuli æquidistantis ei nunquam apparentis
lineam z h : diametrum circuli hunc secantis,
ab æquidistantibus zodiaco lineam t k l. Qui

G 2 bus


bus ita positus, designamus super lineam $z h$ semicirculum $z m$: erigimusq; lineam à puncto k in m , æquidistantem $e d$. Ex quo itaque produximus lineas $a g n$, & $d h u$, atque $d l c$: erit circulus, qui describatur ad quantitatem $e n$ inter notas $n y q$, de circulis planisphærio perpetuo negatis. Circulus uero, qui describatur uice circuli, qui super lineam $t k l$ transire necesse habet, per punctum c circum $n y q$ secans in arcus similes arcubus $h m$, & $m z$: cum sit linea $k m$ commune medium superficiebus eorum. Applicet igitur $f c u m$: fiatq; ad punctum e , super lineam $e a$ angulus æqualis angulo $m f k$, qui sit angulus $n e y$. unde linea producta in punctum y perueniēs; arcum $y q$ similem arcui $m z$ demonstret. Esto itaque circulus designatus uice circuli, qui super lineam $t k l$ æquidistans zodiaco, cuius distantia ab æquinoctiali in quantitate arcus $g l$, perpetuo latentes circulos recto æquidistantes, huiusmodi similitudine secans. hoc circulo, tanquam in descriptione figuræ appposito intelligendum est, ut per c & y transiens in opposito puncto o deprehendat; quæ $d t$ & $e a$ indirectum producta concurrunt;

ea ratione, qua d h & e g ad punctum n
conducit.

DEINDE argumentum quod Maslem subiūgit ad-
dens, producimus lineam d z in directum, quo ad pun-
ctum q necessario perueniat; quæ admodum & d h in pñ-
ctum n peruenit, ut quemadmodum supra dictis descri-
ptionibus constat. sit circulus, cuius diameter z h cir-
ca lineam q n describitur: sicut circulus, cuius diame-
ter t k l, describi possit circa lineam o c. applicet itaque
d cum k, eatq; in directum usque ad punctum r. sicq; h z
in directum usque ad punctum p, procedat à puncto t in
punctum x linea æquidistans lineæ h p, & linea d l c secet
lineam h z in puncto f. diuisa ergo linea n c o ad simili-
tudinem proportionis partium æquidistantis sibi h p,
quoniam angulus d t x æqualis est angulo d l t: angulus
uero d t x æqualis angulo d p h; erit angulus d l t æqualis
angulo d p h. Sunt itaque puncta l s t p super circunfe-
rentiam circuli locata. unde quanta s k in k p ducta, tan-
ta t k in k l. existit autem quanta k t in k l, tanta k z in
k h. æqualis ergo k z, in k h ducta; quod k f ex k p pro-
ducit. unde ad eundem modum, quanta r q in r n, tanta
o r in r c. Applicet itaque r cum y, eritq; triangulus r
e y similis k f m, cum & angulus apud f æqualis sit angu-
lo apud e: & lineæ eos angulos continentes proportio-
nales erunt. Erunt ergo, & reliqui eorum anguli æqua-
les: ut cum rectus sit angulus m k f, & angulum e y re-
ctum esse consequens est. æqualis ergo c r in r o lineæ r
y in seipsa ductæ; quæ cum perpendicularis sit lineæ c o,
puncta y c o super circunferentiam circuli esse conse-
quens est. Ex his palam fit, quod in sphæra, dum super
idem centrum æquidistans recto, & æquidistans zodia-
co, medius medium secat: quod quoniam planities fer-
re non potest, descriptione, quam Maslem ad id demon-
strandum

PLANISPHAERIVM

strandum hic interponit, superfedemns, ne quid præter
 Ptolomaicæ descriptionis intentum, ut minus cauemus
 plus apponamus, præsertim cum nulla necessitas cogat : quod tamen in ipsis descriptionibus eius quæ locus
 exigit, imitatione Maslem non negligimus. Nec enim
 desperet quisquam, quin nos quoque & ea, quæ Mas-
 lem interponit, etiam ex nobis ipsis quæ plurima æ-
 què rationabiliter, ut illi uisum est, inferere possimus,
 nisi auctorem ipsum, ut decet, castigatè sequi malle-



mus, ueriti, ne immoderata euagandi libertas, nimis beneuolentiae uitium incurreret.

z Similis descriptionis exemplo, nihilominus concipi potest & circulus æquidistans zodiaco, qui supra diametrum dl usque ad punctum c educitur; deinde à puncto c lineam cb perpendicularem lineæ acn , quæ linea in planisphærio locum obtinet circuli, cuius diameter dl , cum omnes rectæ lineæ à puncto d eductæ, uice horum circulorum in eadem sint planities; quæ planities est circuli: cuius planitiei atque planitiei circuli æquinoctialis commune medium linea bcy . planities quoque circuli meridiani, quæ super lineam fd eadem, & super utranque illarum planitiarum orthogonaliter.

A D D I T Maslem, quantum hæc linea recta circum latente in arcus similes arcubus, quos rescindit in sphaera corporea. Quod ut planius constet; esto diameter circuli æquidistantis recto perpetuo latentis, linea zfk h: eritq; circulus descriptus ad distantiam az , de perpetuo latentibus. Fiat itaque super lineam zh semicirculus, eatq; à puncto k linea km , æquidistans lineæ ed . Quemadmodum itaque circulus æquidistans zodiaco designatus super diametrum dl secat in sphaera circum latente ad punctum m , in arcus hm & mz , sic linea by circum nyq in arcus ny & yq , arcubus hm , & mz similes: cuius argumento applicabit eum y , & f eum m . Quoniam itaque linea fh æquidistans est lineæ

neq; ne: erit proportio ne ad e c, quæ fh ad fk, sed ne æqualis e y: sicq; f h æqualis fm. Quæ ergo proportio e y ad e c, eadem mf ad f k, atque angulus y e c rectus; sicq; angulus m kf. similis est itaque triangulus m f k triangulo y e c. sic ergo, & angulus y e c æqualis est angulo m f k, unde arcum n y arcui h m, sicq; reliquum reliquo de semicirculis simile esse consequens est. Secat itaque linea b y circulum n y q, in arcus similes arcibus, quos circulus æquidistans zodiaco, de circulo latente refecat in sphaera corporea. Cum ergo circulus per polum latentem transeat in ea planitie, polum ille incidit m, cuius partem cum planities poli apparentis incidat minime, cum usque ad polum peruenit illum: sic, linea b y licet in infinitum protrahatur, nūquam secum concurret. Ex his manifestum est, quod cōsequens est, cum hic circulus æquidistans zodiaco per polum circuli transiens, hic æquidistantem recto medium secet, & hunc per polum zodiaci necessario transire.

Hac itaque ratione, conuenit in planisphaerio fieri constitutionem eorum, quæ in sphaera corporea circuloꝝ: quorum inuentio causa circuli æquinoctialis, qui eorum æquidistantes ei, qui & circuli meridiani. Circuloꝝ quoque inuentio, qui causa zodiaci, & qui eorum æquidistantes ei, qui & horizon- tis, cum quidem in huius constructione polum æquinoctialis circuli centri locum obtinet, & ipsi circulo recto, & cunctis recto æquidistantibus. Quæ ratio, cogit septentrionales semper esse minores, australes maiores: illos quidem

quidem decreſcendo, ut in ſphæra; hos uero
crescendo, uerſa uice atque in ſphæra, pari-
ter meridianos omnes in rectum extendens.
Polus autem zodiaci, neque ipſi centrum eſt,
neque ulli æquidistantium ei. Quibus id eue-
nit, quòd unus eorum ſine centro eſt, & linea
ſit recta. In circulis uero magnis per hunc
polum tranſeuntibus aliter, tranſeunt quid-
em per polum utrunque rectæ ſiunt lineæ, in
quibus centra æquidistantium zodiaco, lo-
cantur minime æqualium. Vnde in aſigna-
tionibus ſtellarum, utrumlibet fiat, ſiue ha-
bitudine ad circulum æquinoctialem, ſiue ha-
bitudine ad zodiacum, in utraque & zodia-
cum & æquinoctialem diuidimus. Sed ſi fue-
rit habitudine ad æquinoctialem, diuidemus
cum ipſo pariter æquidistantes ei. Si uero ha-
bitudine ad zodiacum, cum ipſo & æquidi-
ſtantes ei. Vtrumlibet itaque fiat, poſitio-
nem ſtellarum aſignat certiffimam, inter hoc
ut utroque modo adæquetur ei, quod ſit in
ſphæra corporea: determinatis uidelicet eis,
quorum inuentio propter circulum æquino-
ctialem. Hi qui ad zodiacum adhibentur,
ad exemplum ſiant quantum fieri poteſt pro-
pinquum

pinquum Aegypto. Nec est necesse omnia
in planisphærio exequi, obseruatis circulis
transcuntibus gradus binos, uel ternos, uel
& senos in mediocri: qui numeri communes,
trigenis uidelicet signorum gradibus, qui
inter æquinoctialem, & inter utrunque
punctum tropicum, quousque inci-
dant cum ipsis circulis tropicis,
& cum circulis meridianis,
signa distinguuntibus.

FACTA EST TRANSLATIO HAEC

TOLOSÆ CAL. IVNII ANNO

DOMINI MCXLIIII.

I O R D A N V S
 DE PLANISPHERII
 FIGVRATIONE.

SPHAERAM in plano describere, est singula puncta eius in plano quolibet ordinare secundum similitudinem situs, in quo conspiciens alter polorum uidebit sphæram contingentem planum in reliquo polo. Imaginamur enim, quòd plana superficies sphæram in altero polorum suorum contingat. Reliquum polum uirtutem putamus habere uisuum. Partes autem sphærae non posse radium terminare, sed ipsum usque ad planum (quod propositum est sphæram contingere) deferri, & ab eo ostendi : ibiq; quodlibet punctum sphærae uideri, ubi radius à polo uidente, per punctum ipsum transitus planum contigerit, & ad ipsum inciderit. Eritq; plana superficies hæc, ex radiorum à polo uenientium, occursu secundum similitudinem sphæralium punctorum distincta : illudq; planisphærium, siue astrolabium nominamus. Quippè quæcunque passionem uariationem situs punctorum in sphæra (qualis ex perpetuo motu eis

H 2 accidit)

accidit) mutuo se comitantur : eadem simplici-
 ter uariationem situs eorundem , in plano
 modo repræsentatorum consequuntur . Opor-
 tet autem superficiem hanc indefinitæ quan-
 titatis intelligere , eò , quòd sit omnium pun-
 ctorum , qui insuperficie sphæræ sunt polo ,
 cui uisua uirtus attribuitur duntaxat exce-
 pto) receptiua . Possibile enim est , ut quili-
 bet punctus sphæræ , in concaua superficie si-
 gnatus , omnia puncta eiusdem cauæ superfi-
 ciei uisibiliter apprehendat , se excepto . Idq̃
 de punctis conuexæ superficiei , obiectu solidi-
 tatis sphæræ circumscriptis , intelligendum
 est . Quilibet enim punctus , etiam in conue-
 xa superficie signatus , omnia puncta in ea-
 dem superficie uisù percipiet , si sphæræ soli-
 ditas non resistat . Quia uero in plano solam
 sphæræ superficiem repræsentamus : nihil de
 ipsius profunditate animaduertimus . Nam
 quæ passionēs sequuntur motum sphæræ ,
 omnes & eadem sequuntur motum , uel so-
 lius superficiei ipsius , ut pote , si opinemur
 inanem . Hanc uero superficiem intellexero
 indifferenter esse concauam eius , uel conue-
 xam : nihil enim horum utrumlibet differt .

Et

Et quia in superficie tantum puncta, & lineæ distinguuntur, aut partiales superficies, quæ mediantibus lineis ex toto separantur. Idcirco in opere planisphærii, solas lineas necesse est protrahere, aut puncta figere. At uero omnis lineæ, quæ in ratiocinationem adduci potest, in superficie sphæræ protracta, est, aut circumferentia, aut arcus. Nullam enim rectam lineam sphæræ superficies recipit. Ergo omnis lineæ, quam in astrolabio protrahimus, circumferentiam alicuius circuli sphæræ, aut arcum ipsius in plano repræsentat. Primo igitur docet, sub qua figura quilibet circulus, qui est in sphæra, in plano repræsentetur; quia uel per circulum, uel per lineam rectam. Attende autem diligenter, quòd nullus circulus, quem lineæ recta repræsentat in plano, potest totus repræsentari. nam omnes tales, siue sint de maioribus; siue de minimis, per polum, cui ut uideat tributum est, transeunt. Itaque non cadunt omnia puncta eorum in planum. Polus enim eorum est extra planum, Sed nec omnia etiam præter polum: nam ubi istud, fieret lineæ infinita. Cuncti autem circuli sphæræ, qui per circulos in plano designantur,

gnantur, ex toto possunt representari in plano. Secundo docet, qualiter omnis circuli, quorum in comparatione ad rectum sunt situs noti ex recto: aut qualiter rectus ex singulis eorum eliciatur. Et quod quispiam eorum ex altero non elicitur, etiam cognito situ, non mediante recto. Vocat autem rectum circulum maiorem, cuius poli sunt poli sphaerae. Hunc autem, in caelesti sphaera uocamus æquatorem. Per hunc itaque scimus, omnes circulos; quorum declinationes à recto sunt notæ, siue de maioribus sint, siue de minoribus; in plano depingere: ut æquatorem, tropicos, signiferum, horizontes, meridianos, circulos altitudinum, discretos horarum, domorum, & plures his, ita, ut uoluerimus, & utile iudicabimus. Tertio docet omnia puncta sphaerae; quorum à notis punctis orbis recti nota est latitudo; in plano figere. Per hoc ergo, sciemus polos omnium circulorum in plano locare: sed & stellas fixas in rete disponere, cognito gradu, quo cum singulae mediant cælum. Quarto docet quemlibet circulum maiorem per partes æquales, uel notæ proportionis diuidere, Per hoc quoque scimus

mus orbem signorum in dodecatamoria; & hæc in suos gradus partiri. Horizontem quoque, & quæcunque notæ quantitatis, in partes, ut uoluerimus, diuidere: & ex unoquoque quantam uoluerimus partem refecare.

Quinto & postremo loco docet omne punctum, cuius in sphaera à notis pūctis orbis decliuis nota est latitudo, in plano locare. Per quod sciemus omnes stellas fixas in reti ordinare, cognitis locis earum in orbe signorum, & latitudinibus ab eo. Scire autem debes, quòd omnis superficies contenta à qualibet linea circulari, in plano repræsentat curuam superficiem, contentam ab ea, quæ per ipsam repræsentatur in sphaera. Exempli causa. Circulus capricorni, in plano repræsentat curuam superficiem sphaeræ, quam separat ex sphaera tropicus capricorni, polum arcticum uersus. Et hanc similitudinem intellige in cæteris. Hactenus Protheoria.

Sphaera in uno polorum planum cōtingente, in cuius superficie sit circulus, per utrumque polum transiens; si quotlibet lineæ à superiori polo ad circumferentiam illius circuli descendant in planum: puncta, in quibus planum


num contingunt, in recta linea sita erunt. Quòd si idem circulus per polos non transierit; in circuli circumferentia sita erunt (Alia lectio sic, Quòd si iste circulus per polum illum oppositum polo contingenti planum, nō transierit; in circuli circumferentia disponentur, super puncta, in quibus lineæ planum contingunt.)

Sit polus planum contingens b : & oppositus (uidelicet superior) sit a : circulusq; per hos transiens, sit $a h b k$, & linea $g b d$ sit communis sectio superficiei huius circuli, & plani, quæ ipsum planum, & sphæram contingit. Dico ergo, quòd ipsa linea $g b d$ eundem circulum $a b h k$ habet in plano repræsentare. Omnis enim linea recta ab a per circumferentiam eius ad planum transiens, in illa linea terminabitur. Sola autem linea contingens sphæram in a , quia est æquidistans ipsi $g b d$, non contingeret planum. Ideo punctum a solum de sphæra non potest repræsentari in plano: sed omnis alius poterit, eò, quòd linea ab a ad ipsum ducta, & ultra protracta, poterit conuenire cum plano. Et punctus, in quo dicta linea planum tetigerit, geret uicem illius puncti.

Et. dico, per quem in sphaera transiit. Similiter omnis circulus per a & b transiens, in plano repræsentabitur per lineam rectam. Et ipsa erit communis differentia plani, & superficiei, in qua ille circulus est descriptus. Ex eo manifestum est, quod per diametros astrolabii repræsentantur coluri. et similiter omnes circuli transeuntes, per polos, repræsentari per lineam diametralem debent in plano. Item sit alius circulus, qui non transeat per a b polos. ille ergo, aut erit rectus, & hic est, quem æquinoctialem uocamus; cuius diameter sit c b, aut aliquis æquidistantium recto, quorum unus, cuius diameter sit h p. Et est de omnibus his ratio descriptionis eadem, quo ad intentionem præsentem. Ex quo enim circa polos a & b in sphaera sunt descripti: certum est, quia etiam in plano per circulos æquidistantes habent designari circa punctum b. aut erit circulus ille, neque rectus, neque recto æquidistans. aut erit tunc unus de maximis, aut aliquis de minoribus. Sit ergo primum unus de maximis, cuius diameter h k. erit ergo e centrum commune ipsi, & alii circulo per polos transeunti, qui est a h b k; cuius

ius diamèter a b. Igitur ducantur lineæ a k n, & a h m. Cum igitur h a k angulus per xxx tertii Euclidis sit rectus: sequitur per VIII sexticiusdem, quòd linea a b erit proportionalis in-


ter m b, & b n. Eadem necessitate erit ipsa a b proportionalis inter portiones m b, & b n terminatiuas linearum, quibus aliæ diametri illius circuli designantur in plano, sicut in præsentis designatione h k



diameter representatur per lineam m n. Quia igitur omnes lineæ representatiuæ diametrorum dicti circuli, secant se in puncto b, & inter earum sectiones est proportionalitas transitiue sumpta: manifestum est, quòd ipsæ omnes circu

Item sit unus
de minoribus
non æquidistan-
tibus æquino-
ctiali; cuius dia-
meter h k: &
sit postea unus
æquidistantium
recto, cuius dia-
meter sit z c; se-
cans illum quo-
cunque modo:
quorum com-

I




c usque in f. Item ex puncto t, ducatur t q æ-
 quidistans ipsi l p u: & eam in plano repræsen-
 tans, ductis a l t, a p r, & a u q. Cum igitur
 anguli a k b, & f y a sint recti: & angulus f a y
 sit communis utrique triangulo. erit angulus
 a f y angulo k b a æqualis. sed angulus k b a
 per x x tertii, est æqualis angulo k h a. igitur
 erunt duo trianguli similes, scilicet k f p, & o
 h p; posito o in sectione a h, & y p. Ergo si-
 cut k p, ad o p, ita f p ad p h. Quare quod
 continetur sub k p, & p h æquatur ei, quod
 continetur sub f p, & p o. sed quod sub k p,
 & p h continetur, est æquale (quia in eodem
 circulo se secant) ei, quod sub l p, & p u. Er-
 go quod continetur sub f p, p o æquale est ei,
 quod sub l p, p u. quod ergo continetur sub
 n r, r m & æquatur ei, quod sub t r & r q,
 propter æquidistantiam linearum. Ergo cir-
 cunferentia circuli, cuius diameter est k h, si
 in plano debet repræsentari; transibit per pū-
 ctū m t n q. Et hoc est, quod uolumus de-
 monstrare. Per hoc intelligitur, qua ratio-
 ne in astrolabio, horizon, & illi æquidistan-
 tes ducantur.

Circuli omnis, cuius in sphaera positio est
 nota,


nota, eius & in plano descriptio erit nota, habito recto. Rectus quidem hic est, uel per se secundum quamlibet quantitatem formatus, uel per quemlibet suorum æquidistantium. Primo itaque ipse ponatur in plano, designatus notis a b g d circa centrum e, ductis diametris a g, b d.

Si igitur ei aliquem æquidistantem collocare uoluerimus, cum constet idem habere centrum, & latitudinem eius à recto in sphæra sciamus; huic ar-



cum æqualem sumemus ab aliquo horū quatuor punctorum, & sit g h contra d, ducemus lineam d h k: Si igitur fuerit circulus ille, qui repræsentari debet in plano, supra rectum scilicet, polum superiorem uersus repræsentabitur, circulo x k circumducto secundum distantiam e k. Si uero fuerit sub recto, sumetur

metur arcus latitudinis gl , contra b : & ducta linea dtl , formabitur circulus secundum distantiam et . Sit enim, ut solet, super polos transiens circulus ab : linea eum in plano contingens bu . Et sit diameter recti circuli roy : & ei æquidistantium diametri qfc , & pnx : pertransseatq; linea $acfu$, protracta roy ad f : iterum trahatur ayz , & xm , & $asno$. Quia igitur oy est æqualis oa : erit & bz æqualis ba . cumq; sit bz , æqualis eg , ex hypothesis: erit ba æqualis ed , quia etiam arcus hg , gl sumpti erant similes arcibus cy , & yx . Erunt & toti arcus bl , bh similes arcibus bx , bc : & anguli, qui cadunt in eos æquales; qui sunt ada , & d . Igitur similes sunt trianguli $ba u$, $ed x$: & trianguli bam , & et . Cum sit ergo ba æqualis ed : erunt & b
m&



m & b u æquales ipsis e t & e k . ipsi ergo sunt
 semidiametri circulorum æquidistantium re-
 cto in plano positorum . Adhuc trianguli b a
 m , b a u sunt similes triangulis e d t , e d k .
 Itaque ponantur notæ, ubi e d secat alios cir-
 culos, exempli causa f & z : & ubi d t interio-
 rem secat, ponatur y : & ubi k d exteriorem,
 x . Quoniam igitur anguli d t e & e d h sunt æ-
 quales : erunt arcus medii, et minoris circu-
 li, super quos consistunt; similes. unde de-
 tractis quartis, uidelicet r f, & b g, remane-
 bunt arcus f y, & g h similes; itemq; arcus x
 z & g l similes. Patet ergo, per extimum, uel
 per intimum descriptum ad libitum. Medius
 eadem uia inuenietur, scilicet sumpto arcu
 x z, uel f y secundum distantiam cuiuslibet
 eorum à recto : & ducta k d x, uel t y d, ter-
 minabitur semidiameter medii, qui pro recto
 ponitur in d . Amplius, si unus inuenitur per
 alium, per ipsum similiter alius inuenietur.
 Sint circa centrum e, circuli ducti a b g d, &
 c h f k : ductis c f, h k diametris, ducantur li-
 neæ g d, f d z, & f k . Quia ergo nota diame-
 tro e g, et arcu g t, inuenietur e f, cum sint
 k f, et g d æquidistantes : erit angulus z f k
 æqualis

PLANISPHERIVM

æqualis angulo gdf . ideo arcus zk similis erit arcui gt : & ob hoc notus, & sic conuerso modo, nota ef , & arcu kz , ducta linea fdz , habebitur similiter & alterius. Itaque per rectum omnes ei æquidistantes inueniuntur: & ipse sumetur per quemlibet. Nullus autem

tertius per aliū inuenitur per eorum distantiam. Sit itaque tertius lm circa centrum e . sit medius loco recti, transeatq; linea $fuly$. Dico ergo arcum ky non



esse distantiam illorum in sphæra. Esto ergo, si fieri potest: & protrahantur lineæ ml , gq l . Quia igitur kz secundum hypothesim, est distantia extremi ad medium: erit zy , ut distantia medii ad tertium. Ponitur autem q m pro ipsa. quare angulus mlq est æqualis angulo zfy , sed totus angulus kfy , æqualis est toti angulo flm , eò, quod lineæ kf & lm sunt


m sunt æquidistantes. Relinquitur ergo angulus $g l u$ æqualis angulo $k f d$. quare & angulo $g d t$. sequitur ergo angulum $l d g$ æqualem esse angulo $l f g$, quod est falsum: quia quatuor punctis $d f g l$, circumscriptibilis est circulus; in cuius scilicet circumferentia sunt illa puncta quatuor. Et cum angulus $g l u$ sit æqualis angulo $g d t$: angulusq; $l d g$ æqualis angulo $l f g$: quia cadunt in eundem arcum circuli prædicti, quod falsum est. Si autem alius præter æquidistantes à recto fuerit in plano ponendus;

& fuerit transiēs per polos: haberi debet ubi rectum secet, atque recto in plano descripto, per centrum, & per similes eius sectiones transiēs linea recta, uice illius recti

habebitur. Quod si ille obliquatur a polis:

17

K tunc




trum e; quod centrum erit loco poli sphaerae
contingentis planum, et sit linea b c d uice cir-
culi praedicti, per polos quatuor transcurrentis.
et orthogonaliter eam secans sit a e g. et cir-
ca d sumantur arcus d t similis f: et b z simi-
lis c b. et ducantur lineae a t k, a n z, et cir-
cunducantur circuli k p, n h, qui erunt loco
aequidistantium, qui in sphaera circulum da-
tum contingebant. Cuius circuli diameter e-
rit n k, ut supra fuit l g k. quare in medio e-
ius posito centro, describitur circulus uicem
eius in plano obtinens. Quod si idem circu-
lus in sphaera rectum per medium fecer; pa-
lam est, quod et in plano secabit, ut hic circu-
lus a k g m, cuius diameter in sphaera est d e
m; cuius est communis sectio cum recta linea
a e g. Palam igitur, quod omnis circulus in
plano, praeter aequidistantes per duos eorum
aequidistantium habet inueniri. Et licet alter
eorum in plano ad libitum ponatur, ad reli-
qui descriptionem oportet primo rectum su-
mi: et ideo ad habendum quemlibet decli-
uem, habendus est rectus. Ex praedictis col-
ligitur ratio, secundum quam circulus aequa-
litatis, et duo tropici, signifer, et horizon

in aſtrōlabio depingantur.

Puncti, cuius in ſphæra à dato puncto circuli recti, latitudo nota eſt: eius poſitio in plano, nota erit. Latitudinem eius determinat arcus circuli per polos, et ſuper ipſum tranſeuntis; qui arcus eſt inter eum, et datum punctum circuli recti.

Sit ergo rectus in plano a b g d ſuper centro e: et diameter b d ſit loco circuli per polos, et datum punctum circuli recti tranſeuntis: et ſit ille punctus d.

latitudo uero illius puncti ex d, ſit ut arcus d κ. Ducta igitur orthogonali diametro a g, et ſimiliter protracta linea a κ, fiet locus puncti illius in h: æquidistant enim e h deſcriptus eſt, qui in ſphæ



ra per ipsum transit. Ad huius igitur rei exemplum, poli omnium circularum declinantium à recto inuenientur in plano.

¶ Circuli notæ declinationis à recto, diuisione in sphæra habita : in plano quoque haberi poterit. Tribus modis probatur, quod dicitur, quia uel per lineas rectas, uel per æquidistantes, uel circulos maximos. Per lineas rectas hoc modo. Sit circulus in plano a b g d circa centrum t : et decliuis circulus secet eum in a, et g punctis oppositis per diametrum; quæ diameter sit a t g : sitq; arcus ad, quem resecat in sphæra de recto circulus transiens per polos cum prima sectione decliuis circuli, quæ incipit ab a. Si igitur linea recta per centrum, et per d transeat, loco circuli transeuntis per polos, et punctum d, cuius est linea b h t d e : fiet a e loco primæ sectio-



nis

morum $e l q$, $e l r$, sunt binorum angulorum centrum, super uno arcu consistentium. Igitur reliqui anguli, & reliqua latera sunt æqualia. Repetamus ergo figuram superiorem:

Et quia linea $b e d$ est uice circuli per polos transeuntis:

patet, quòd in ea sunt poli $t z$. Si ergo

arcus $d h$ æqualis arcui $a z$: & per transeat linea $a k h$; eritque k locus poli z .

Sint item arcus $a l$, $g m$ æquales primæ

sectioni circuli decliuis, quæ incipit ab a :


& describatur arcus circuli per $m k l$, qui sit $m y k l n$. & quia

diuidit rectum per æqua:

& transit per k : palam est, quia ipse est, ut arcus circuli maxi-

mi per polos $t z$, & arcus recti similes $a l$ & $g m$ in sphæra transeuntis. Abscindit ergo &

a n





an similem illi, qui est decliuus in sphæra; quæ & ille æqualem sectioni circuli recti abscindit. Et hoc erat ostendendum. Ex præmissis apparet ratio, per quam in astrolabio signifer, & horizon diuiditur. Et in similibus similiter.

Cuius latitudo a dato puncto circuli decliuus in sphæra data est: eius & in plano situs cognitus erit. Esto circulus $a b g d$, per polos circuli decliuus, & recti transiens. Diameter recti sit $a e g$: obliqui uero $b e d$: & linea $t k$ æquidistet ei: & sit arcus $d t$, uel $b k$, ut latitudo eius de quo agitur à decliui. quare circulus æquidistans decliui, cuius diameter $t k$, transit per ipsum in sphæra. Et quia arcus $g b$, $a d$ esse notos oportet: similiter $b k$, $d t$ noti sunt. igitur noti erunt $a t$, $g k$. Sit itaque circulus rectus in plano descriptus $a b g d$: diametri $a e g$, $b e d k$: decliuus circulus $l a k g$. sumptoq; arcu $g t$ ad similitudinem $b g$ in alia figuratione, quæ est declinatio obliqui à recto: & ducta linea $a f t$: erit f polus circuli decliuus $a l g k$. Itemq; sit arcus $b x$ similis arcui $a t$ in sphæra; & $d h$ sit similis $g k$, & ductis lineis $a p x$, $a h y$, erit $p e y$ linea,

nea, & p y diameter æquidistantis decliui .
 Diuisa ergo p y per medium: & posito ibi cen-
 tro, circumdatur p o y circulus, qui est uice
 circuli æquidistantis decliui, transeuntis per
 illum, cuius latitudo à decliui circulo data
 fuit. Sitq; n pun-

ctus in circumferen-
 tia decliuis circuli, à
 quo alterius latitu-
 do sumitur: & per-
 transeat linea n e m:
 erit m oppositum ip-
 si n in sphæra. De-
 scribatur ergo arcus
 circuli transeuntis
 per punctam f n: e-
 ritq; hic, ut circu-
 lus maximus, qui in
 sphæra diuidens de-
 cliuem per æqualia,
 transit per polum
 eius. Et quia tran-
 sit per n: transibit
 etiam per illud, cu-
 ius latitudo sumitur ab n. Ergo in commu-



PLANISPHERIVM
ni sectione ipsius, & circuli p o y, hoc est in
o, erit situs illius, quod proponebatur.
Ex nunc dictis perpenditur, qua
ratione stellæ ponuntur
in reti, respectu
signiferi.

FINIS.

